

SCRIPTA

Numéro Scripta : 3827

Auteur(s) : Philippe III le Hardi, France (roi)

Bénéficiaire(s) : Évreux (hôtel-Dieu)

Genre d'acte : charte

Authenticité : non suspect

Datation : 1277, juin

Lieu d'émission : Évreux

Action juridique : autre

Langue du texte : latin

Analyse

Philippe [III], roi de France, remet au prieur et au frères de l'Hôtel-Dieu d'Évreux la rente annuelle d'une livre tournois pour leurs possessions qu'ils tenaient du roi en ferme perpétuelle à Legaut.

Tableau de la tradition

Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Hardel (MSAN ; 16, 2e série, 6, p. 160-390), 1852, n° 892, p. 211.

Texte établi d'après a

Philippus, Dei gratia, Francorum rex. Notum facimus universis, tam presentibus quam futuris, quod, cum prior et fratres Domus Dei Ebrouicensis, pro illis possessionibus quas de nobis tenebant ad firmam perpetuam apud Legaut, prope heremitagium ipsius loci, viginti unam libras turonensium nobis solverent et solvere singulis annis tenerentur, nos, considerata necessitate dicte domus, ipsis priori et fratribus predictas viginti unam libras, divini amoris intuitu, remisimus et quittavimus in perpetuum, et ab earum prestatione ipsos omnino absolvimus, salvo jure nostro in aliis et jure in omnibus alieno. Iidem vero prior et fratres unam missam de Sancto Spiritu, dum vixerimus, ut ipse Dominus in suo beneplacito dirigat actus nostros et tranquillum faciat statum regni, post obitum vero nostrum, ob remedium animarum inclite recordationis carissimi domini et genitoris nostri Ludovici regis Francorum, et regine Isabellis, conjugis nostre quondam ac aliorum antecessorum nostrorum et nostre, missam pro defunctis singulis diebus, quibus ritus ecclesie patietur, in domo sua predicta facere perpetuo celebrari tenentur. Et ad hoc se et suos successores spontanei obligarunt, nos constituendo participes bonorum omnium que de cetero fient in eorum domo predicta. Quod ut ratum et stabile permaneat in futurum, presentibus litteris nostrum fecimus apponi sigillum. Actum Ebrouicis anno Domini millesimo ducentesimo septuagesimo septimo, mense junio.